

**Nwa' wvù Baul to san̄εε ê kentaashε  
ke  
Kol ose  
Fiεε fi nu ê Nwa' wvu Kolose  
wvun e**

Baul to san̄ ηwa' wvun fô kentaashε ke bonyii bo mbee le ke ê kelaante kè Kolose le. Ebaflōs to nu ε nε to bô saaka mvu wvù befe εkumε kentaashε kedvu. E Baul mum san̄ ηwa' wvun no kentaashε kedvu to nu ê kelen̄ kè wvù to yene le ε ken̄ke wen keetaale fô kí le. Wvù to san̄ keeleke n'yεeyi ε ε nu wvu keceey wvù nu εkumε bonyii bô è nu bo Klistu le.

*Bikuu bi mwεem e ê Nwa' wvun e*

1:1-8 Ken̄kewcε

1:9-2:19 Ekumε wee wvù è nu Klistu noo lemme diew

2:20-4:6 Nshii wvu fwε wvù nu yî Klistu le

4:7-18 Kemεse

<sup>1</sup> E nu me wvù Baul, waa ntum Klistu Jisos yî ηkoη wvù wvu Nyo' le. Me nu bee Timatio wvù waa bwee wesebeene. <sup>2</sup> Nwa' wvun gεne fô ben e boom bo bwee wese le bô nu fitele fimwaan̄ bô bo Klistu, nu bonyii bô è nu bo Nyo' le Kolose. Nyo' Icee wesebeene ebuw ben bô kembon̄en kew ebvuu enya ben bô mvuntelem mvù lætene.

*E Baul no bunlee, nyaa keyoone ê Nyo' fô bonyii bo Kolose le*

<sup>3</sup> Bese dioo bunlee fô ben e sekecii no nyaa ke ε è nu keyoone ê Nyo' wvù Icee Tata wesebeene wvù Jisos Klistu, <sup>4</sup> njefo bese nu ε yuw wase ekumε fitele finen fi ben lese yî Klistu Jisos e, bô kenkonen kè ben kenke fô bonyii bocii bô è nu bo Nyo' le. <sup>5</sup> Bese kee le ben gee nonen njefo ben taale fwe ε è nu yî fiεε fi Nyo' nu ε seyse ε gee ê ben fowe le. E fiεε fin nu fi ben to yuwεε wase ê diεw Nyo' le yî nu keceey, nu saaka wvù jee. <sup>6</sup> Saaka wvun to to fô ben e lenlen no wvù to toε fô bonyii le yî ekole ke nshε le kecii no kumene nce bonyii bvuu saankene gene fwe fwe. E nu ke lenlen no fí to kooyεε bô ben ε kew diuu di ben yuwεε saaka wvudvu bvuu kieε keceey le Nyo' nu ε buw bonyii bô kenkonen kew. <sup>7</sup> Ben to yuw saaka wvudvu wvun ê Ebaflas wvù nu fitele fisese, ε bee bó lemte yî fiεε le fimwaan. Wvù nu wee lemme Klistu, ε wvù ε jo bvudvuu bvuseε ε no lemte bô fitele fiew ficii, <sup>8</sup> ε wvù ε see wase ê bese ekumε kenkonen kè Keyoy ke Nyo' le nu ε nya ben ε no kenke fô bonyii le. <sup>9</sup> E kew diuu di bese yuwεε ekumε ben nonen, bese ε mum ε no bunlee fô ben e sekecii. Bese bunlee lεke le Nyo' ege é ben ekiεε fiεε fi wvù gomte. E fifin nu ke efey yî bvufee bô mwεεm mvù Keyoy kew nu ε ge ben ε no kee le. <sup>10</sup> Nonen é ben emum ecee nce ε è nu wvù nu ε kpwenten wvu bonyii bo Tata le. E è nu wvù, wvù wvù looci koonke. E ben dioo cee nonen emum egee dilemme di jee jé le jé le, ekeè Nyo' gene fwe fwe. <sup>11</sup> Bese bunlee ten le Nyo' wvù mvungay mvu

**1:3** Efe 1:16; 1Tes 1:2-3      **1:4** Efe 1:15      **1:5** 1Bi 1:3-4; Efe 1:13

**1:6** Lem 2:41; Lum 1:13; 1Tim 3:16      **1:7** 4:12; Flm 23      **1:8** 1Kol 8:1      **1:9** Efe 1:17; Fili 1:9      **1:10** Efe 4:1; 2:10; Fili 1:27      **1:11** Lum 5:2; Efe 1:18

baay mvunciim nu mwew enya ben bô mvunḡay mvunciim é ben etemyi sekecii, kuule shém ḡene fwe yî fiεε le ficii, lanlanje, <sup>12</sup> nyaa keyoone ê Nyo' Ice. Ε nu wvú wvù nu ε ge beene ε kocεn keeke ekeηke fiεε fi wvú nu ε seyse ε ḡεε ê bonyii bô è nu bew fô bvudvuu bvu n'yuu le. <sup>13</sup> Wvú nu ε bvuse wase beene can mvunḡay mvu εjiwε le, ε ḡεε ente jo bvunfon bvu Waa we wvù nu fitele fiew e. <sup>14</sup> Ε nu Waa we wvun wvù nu ε ge Nyo' ε λεεshε bibefe bisεεbeene, ε sum beene can ηḡεw e.

*Klistu nu εkolε ke mwεεm mvunciim e*

<sup>15</sup> Waa we wvun nu naa lo wunte Nyo' keβεε wvù beene yaa ye ne ke. Ε nu wvú nsafwe mwεεm mvunciim mvù bó bomεε. <sup>16</sup> Nyo' to bom mwεεm mvunciim can ye le, mwεεm mvu fowe bô mvu fokuse, mvù bó ye ne mvú le, bô mvù bó yaa ye ne ke, keβεε è nu naa bonceendaa bô la, bô λε ne ê fwefwe le, keβεε bô keηke mvunḡay, keβεε bo baay baay, keβεε bô saake. Mwεεm mvun mvunciim nu ε Nyo' to bom can ye le, ε mvú nu keewvumte wvú. <sup>17</sup> Wvú to nu wase dvú ε mwεεm mvunciim se ke no nu. Mwεεm mvunciim nu can ye le, ε è jici wvú dvú ε mvú se nu. <sup>18</sup> Wvú nu εkolε ke kentaashe ke bonyii bo mbee le kè è nu ye ye. Ε nu wvú wvù to kewεε kentaashe kin. Ε è nu wvú wee wvu fwe keebuy yî kpwe le wvù yaa beε ke ekpwe ke, wvu le yî fiεε ficii le é wvú enù nsafwe. <sup>19</sup> Mwεεm mvun nu nonεn njefo Nyo' to nu ε koη le fiεε fi wen nu

---

**1:13** Jon 5:18; Luk 22:53; Lem 26:18; Εfe 1:6, 7, 21; 2:2; 6:12    **1:15** Jon 1:18; 2Kol 4:4; 1Tim 6:16; Ibu 1:3    **1:16** 1:13; Jon 1:3, 19; Ibu 1:2    **1:17** Jon 1:1; 8:58    **1:18** 2:19; 3:15; Εfe 1:22-23; Lem 4:2; 26:23; Mwm 1:5    **1:19** 2:9-10; Jon 1:16; Εfe 1:23

fí ficii enù yî Waa we le, <sup>20</sup> é wvú ege é mwεεm mvunciim ekase etaashε bô Nyo', kεnεε è nu mvu fowe kεnεε mvu fokuse. Ε Nyo' mum ge kεman bô ελεμε ke Waa we le seke wvú to kpweε yî kentam e.

<sup>21</sup> Ben tεn to shee nu ε ben ε gawsεn ben ε bo Nyo', κεηke bonkpawwεε bô befε ekumε wvú, gee mwεεm mvù befε. <sup>22</sup> Geenεn, keseen nu ε Nyo' ε kase wase ε taashε ben ε bó. Wvú to ge fifin fele yî Waa we le wvú to tuε wee wvu wum, to kpwe fô ben e, wvu λε ben enù ê wvú fwe yuule yaa κεηke nlom κε, nu se jay. <sup>23</sup> Ben κεηke keemum eγενè fwe yî fitele fí ben lese yî ye le, ecime γεη eleemè tεmyi ε fiεε yaa shiike κε ben yî fiεε fí ben taale fwe yî dvú le fí ben to yuwεε ê saaka wvù jee le. Saaka wvù jee wvudvu wvun nu wvù bó nu ε fewcε wase ê wee tfuu yî nshε le fεn. Ε saaka wvudvu wvun nu wvù me wvù Baul nfewci ê bonyii diεwε wee lemme Nyo' le.

### *Lemme di Nyo' to nyaε ê Baul*

<sup>24</sup> Me nlanlanε keseen yî ηγεw wεm wvù me n'yεne nje yene le. Ε me njoo ηγεw wvun yî εkolε kem e nεn keemεse ηγεw wvù Klistu to ye nεε nje kentaashε ke bonyii bo mbee le kè è nu ye ye. <sup>25</sup> Nyo' nu ε γεε me λε me enlemtè fô kentaashε ke bonyii bo mbee le, enfewci diεw ye ê ben no yî nu yicii. <sup>26</sup> Diεw yin nu yì to shee nu ε bó ε nyilε ê εηgokε ke bonyii le kecii bilum ηkuuη, ε keseen nu

---

**1:20** Lum 3:25-26; Εfe 1:9-10, 21; 2:13-16      **1:21** Lum 5:10; Εfe 2:12-13; 5:27      **1:23** 2:7; Εfe 3:17; 1Tim 3:16; Ibu 3:6      **1:24** 2Kol 1:5; 11:23-29; Εfe 3:13      **1:25** Εfe 3:1-3      **1:26** 2:2; 4:4; Εfe 3:6

ε Nyo' ε duηce wase ê bonyii bò è nu bew. <sup>27</sup> Nyo' to nu ε caw keege é bonyii bew ban ekiεε le bonyii bò yaa nu ke Bojuu nu ke ekeηke bvukuke bvu saaka wvù bó to shee nyile wvun e naa ntay. Ε saaka wvudvu wvun nu le Klistu nu yî yene le. Nonεn ben ε mum ε no taale fwe keekeηke bvukuke. <sup>28</sup> Ε nu Klistu wvudvu wvun wvù bese fewci ekume wvú ê bonyii bocii. Bese yeεyi bó bô bvufee bvucii bvù Nyo' nyaa ê bese, bvuu teete bó, wvu le bó enù ε bó ε taw ε kocεn ê Nyo' ejise no bonyii bo Klistu le keηke keenu. <sup>29</sup> Ε nεε fiεε fi me mbone ηη, nlemte bô mvuηgay mvunciim mvù Klistu lemte dvú yî ye m e.

## 2

<sup>1</sup> Me ε mum ε no ηgomte le me enge é ben bo Kolose ekiεε no me nlumte naa ntay nje yene, bô nje bonyii bo Lawdesia noo bonyii bo mbee le bocii bò ke baa yeη wase me le ejise ke. <sup>2</sup> Me ηgee nonεn le mvuntelem mvu ben ε bó le eyvuwsé, é ben etaashε enu yî keηkoηen e, wvu le ben elooci kee naa ntay mwεεm mvunciim no wee keηke keeke, emum ekeè ten kenylε ke Nyo' le, kè è nu Klistu. <sup>3</sup> Nyo' nu ε nyilε ntfu bvufee bvucii bô mwεεm mvù bonyii keηke keekeè ekume wvú ε è nu yî Klistu le. <sup>4</sup> Me njemyi fin wvu le fo wee mvu ke enε eto bô njeme wvù yeke wvu fomvu fomvu elεε ben dvú. <sup>5</sup> Ben ekeè le naa no me ncim nu ncejole nεn nu ε me nu beene ê keyoy e. Ε me lanlanje no

---

**1:27** 3:4; Lum 5:2; Efε 1:18    **1:28** Efε 4:13    **1:29** Efε 3:20; Fili 4:13    **2:2** 1:26-27; Efε 5:2    **2:3** Bηgn 2:4-5; 1Kol 1:24, 30; Efε 3:19  
**2:4** 2:8; Lum 16:18    **2:5** 1Kol 5:3

me n'yuuke no ben gee mwεεm ê je yi λη e, ε ben ε lese fitele yî Klistu le ε fî temyi ntay.

*Bonyii bo Klistu le nu ε boy wase can bonci bo εcici le*

<sup>6</sup> No ben nu ε fiisen wase Klistu Jisos wvù Tata, ben emum eleemè ke yî ye le nonen. <sup>7</sup> Ben ecime geη ekuù yî ye le, eleemè temyi yî mbee wene le ke ληληη no bó to γεγεε ben, enyaà keyoone ê Nyo' sekecii. <sup>8</sup> Ben eyenè fo wee ke ejo bvufee bvυ εcici bvυ fokuse fen bvυ kenλεεma le enjim ben dvú é ben etu bonfaw ke. Bvufee bvun nu bvù bii bonkpawwεε bo wee wvu wum bô bo mwεεm mvù saake yî won wvun e. Ke è yaa nu bvù bii bonkpawwεε bo Klistu le ke. <sup>9</sup> Ben ekeè le no Klistu to tuε wee wvu wum, nu ε fiεε fî Nyo' nu fî ficii nu yî ye le. <sup>10</sup> Ben nu ε keηke wase mwεεm mvunciim no ben nu ε taashε ben ε bo Klistu. E nu wvú ekole ke mwεεm mvunciim mvù keηke mvunγay saake le. <sup>11</sup> No ben ε bó to taashεε nonen, ε wvú tfuse ben yew. E ke ntfuse yew wvun nu wvù bó tfuse bô can seke bó ε sum kejewλεε ke ye wee le ke. Wvuwwun nu wvù è gee Klistu keesum nyam yene ye kebefε. <sup>12</sup> Seke bó to lesεε ben ê joo nu ε bó to taashε ben ε bo Klistu dwey. E Nyo' kase bvuse ten ben nje fitele fî ben to lesεε yî ye le le wvú nulo ebvuse ten ben yî kpwe le bô mvunγay mvù wvú to bvuseεε Klistu dvú yî kpwe le. <sup>13</sup> Ben to shee nu ε ben ε kpwe wase ê keyoy e nje bonci bo Nyo' le bò ben to ηgoyte ε Klistu baa tfuse wase ten ben yew keesum mwεεm mvù nyam ye yene

gomte le ke. Keseen, Nyo' nu ε ge wase ben ε kase ε tu dvú, ε taashe ben ε bo Klistu. Wvú nu ε leεshe wase bibefe bisεbeene bicii. <sup>14</sup> Wvú nu ε fiwse wase mwεεm mvù to koole beene ê Nwa' bonci le ε bó saanke ekumε beene. Wvú nu ε jo mwεεm mvudvu mvun ε tfuse yí Klistu le, bó ε mum ε ta wvú yí kentam e, <sup>15</sup> wvú ε mum ε ηgoy mvunḡay mvu mwεεm mvunciim mvù kenke mvunḡay saake le, ε bvuse mvú ya le, ε shoose, ε mum ε so mvú yí kentam e. \*

*Bonyii bo Klistu le eyuukè ε è nu fiε fi è gayte wvú*

<sup>16</sup> Nonεn, fo ben ebvuu ebee é wee mvu esaake ben ekumε mwεεm mvù ben diee kenεε mvù ben wuu kenεε le ben baa egeεle bonkaw, kenεε è nu ηkaw kpwee wvu fwε, kenεε le ben baa eshee mbam ke. <sup>17</sup> Bó to shee gee mwεεm mvun fwele ε mvú nu ke lo diεwe kenjinjin ke fiε fi to nu keeke to le, ε fiε fidvu kebεε nu Klistu. <sup>18</sup> Fo ben ebee é bonyii bomew esaake ben duu le ben nu ε jay je ke. Bonyii ban nu bò duu le ben ejoò bikuu binεn ekuse no bó joo, duu le ben ebunleè ten bonceendaa bo Nyo' le no bó bunlee. Bó duu le bó kee mwεεm njefo bó yene mwεεm e ê bifile le. ε bó bensee ke ε è nu ye yí mwεεm mvù too efa jobo le, ε kenyi kedvu yaa nu ke. <sup>19</sup> Boba bonyii nu ε gawsen wase bô bo ekole kè è nu Klistu. Klistu nu wvú nyaa mvunḡay ê ye ye ε yí se kuu no Nyo' seyse le yí ekuù. Beene nu ε taashe ke diεwe no ye wee nu ε taashe yí biyun bô bonḡensee le ε se no lemte len.

---

**2:14** Efε 2:15-16; 1Bi 2:24    **2:15** 2:9-10    \* **2:15** Kenεε le, "... ε mum ε so mvú yí ye le."    **2:16** Lum 14:1-6    **2:17** Ibu 8:5    **2:18** Efε 1:21    **2:19** 1:18; Efε 4:16

<sup>20</sup> No ben nu ε kpwe wase ben ε bo Klistu ê keba ke mwεεm mvù saake yî woŋ wvun e, ε no nu nje la wvù ben bvuu cee ke diεwε ben nu bonyii bo yî woŋ wvun e? Ben bvuu beje keebii ban bonci le nje la? <sup>21</sup> Bó nen'yi cew lo ε, “Fo wee ejice fin fiεε le ke. Fo wee emom fifi εmvu ke. Fo wee ekum fin e ke.” <sup>22</sup> ε mwεεm mvun mvunciim nu ε bonyii gee ε mvú fele lo, ε bonci ban nu ε è gεke bonyii bii bvufee bvubole. <sup>23</sup> Bonyii nen'yi no yene naa ε bvufee nu ê bonci bodvu ban e, no bó gee ε bonyii ekeè keebunlee ê je yi lεŋ e, bô keeshiwse εkole noo keenyεwle bô ye. Geenεn, ε mwεεm mvun yaa nulo efice keebvuse wee ê mwεεm mvù nyam ye ye shieele le ke.

### 3

#### *Bonyii bo Klistu le keŋke nshii wvu fwe*

<sup>1</sup> No Nyo' to nu ε bvuse wase ben ε bo Klistu yî kpwe le, ben emum egomte mwεεm ε è nu mvu fowe fô Klistu nu ε Nyo' ε shike wvú ê εbo kew ke εcεy e. <sup>2</sup> Ben egεε bvufee bvunεn yî mwεεm mvu fowe le. Fo ben egεε yî mvu fokuse le ke, <sup>3</sup> njefo ben to nu ε kpwe wase, ε nshii wene nu keseen ε Nyo' ε nyile yî Klistu le wvù nu bô wvú. <sup>4</sup> Seke Klistu wvù nu nshii wene ε ke ε buynεn bô bvukukε bwew, é ben tεn emum ebuynεn εnte jo bvukukε bvudvu. <sup>5</sup> Fí ε mum ε no nu lε, ben elεse lo mwεεm diεwε mvun e mvù nyam ye shieele. ε nu

---

**2:20** 2:9-10; Gal 4:3-5, 9      **2:21** Yεsa 29:13; Mat 15:9; 1Tim 4:3; Ibu 13:9      **3:1** 2:12; Εfe 1:20      **3:2** Mat 6:33      **3:3** Lum 6:4; 2Kol 5:14      **3:4** Gal 2:20; Fili 1:21; 1:27; Fili 3:21; 1Kol 15:43; 1Jon 3:2      **3:5** Gal 5:19-21      **3:5** Lum 6:6, 11; Gal 5:24; Εfe 4:19; 5:3



keekaanke kenjan bô keekpwawci mwεem ekume kenjan, noo ye yî ηεγεεn, noo keeshieele keege mwεem mvù befe, noo keebvuushi ejise yî mwεem e. Wee wvù bvuuushi ejise yî mwεem e nu ε mwεem mvun ε tu wase nyo' mvu fô wvú le. <sup>6</sup> Ε nu kfuu mvumvun mwεem mvù nu ke ege é Nyo' eton'ye shém elan ηγεw yî bonyii bò gee mvú le. <sup>7</sup> Ε to nu fwele ε ben gee kfuu mvumwε mwεem seke ben to bεε cee nce bii no nyam ye shieele. <sup>8</sup> Geenε keseen, ben keηke keecinε mvú le mvunciim. Ben ecinε shém yî ton'γεεn bô mvuntelem mvù sesene noo mvuntelem mvù befe le. Fo wee ebeetè bô diee di wee le κε. Fo njeme wvù samte ebuytè diuw wee le κε. <sup>9</sup> Fo wee elεlè waa bwee κε. Ben ekeè le ben nu ε baa wase ye yi yvum bô gee diew, <sup>10</sup> ε jo wase ε è nu yi fiε. Yiyin nu ε Nyo' seysee sekicii kumene ε yí tuu diεwε ye le, wvu le ben elooci kee wvú. <sup>11</sup> Fofεn nu ε wee mvu yaa bvuu nu jεεy fô mvu le κε. Ke wee mvu bvuu nu dvú le è nu wee Juu ε mvu nu wee Glek κε. Ke wee mvu nu dvú le bó nu ε tfuse yew ε mvu nu ntffuse κε. Ke wee mvu nu dvú le è nu wvu εntfun κε. Ε κε wee mvu nu dvú le è nu nyam yi ηkpwaante κε. Ke wee mvu nu dvú le è nu nfwε ε mvu nu waa yew κε. Klistu nu fiεε ficii fô bó le, ε wvú nu yî bó le bocii. <sup>12</sup> No Nyo' nu ε caw wase ben, ben ε no nu bonyii bew, ε wvú koonke ben, ben emum ejo keηge ke leη kè le: wee ecamtè shen fô waa bwee le, geè mwεem mvù jee fô bonyii le, shiwsè bikuu binεn, nù wεε, kuulè shém, <sup>13</sup> yaa keηke fitele fi sesene

---

**3:6** Εfe 5:6    **3:7** Lum 1:18; Εfe 5:8    **3:8** Εfe 4:29; 5:4    **3:9** Εfe 4:22, 25    **3:10** Keη 1:26-27; Εfe 4:24    **3:11** 2:11; Gal 3:28; 1Kol 12:13    **3:12** Εfe 4:2-4    **3:13** Εfe 4:32

ke. E wee cim ge naa la fi e luce wee, e wvu leeshe nya e wvu. No Tata nu e leeshe wase binen bibefe, ben ten eleshi bi bonyii bomew e. <sup>14</sup> Ben dioo gee mwem mvun mvunciim, no tomyi kenkonen fwe. Kenkonen nu fi fi taashi mwem mvunciim e mvu se nu yi fi le fimwaan. <sup>15</sup> Ben ecine e nyekkey wvu nen'yi fo Klistu le enu e mvuntelem mvunen e dunji ben je. Nyekkey wvun nu naa wvu Nyo' to tenen ben e ben ekenkè no ben nu ye yimiaan. Ben enyaà ten keyoone e Nyo' sekeci. <sup>16</sup> Ben ege e saaka wvu ekume Klistu enu e mvuntelem mvunen e naa ntay, e ben eyeyi bvuu teete bikuu binen bo bvufee bvucii. Ben eyemtè bense Nyo' bo njon fo mvuntelem mvunen e bo bonkiee bo buyte e Nwa' Mbense le noo bonkiee bomew bo mbense le, noo bo Keyoy kew nyaa e bonyii. <sup>17</sup> Ben dioo gee fi fi ficii fi ben gee, kenene ben jemyi lo, e ben no gee diwe bonyii bo Tata Jisos e, nyaa keyoone e Nyo' Ice fele yi ye le.

*No bonyii bo Klistu le nulo ecee yew yibole*

<sup>18</sup> Bokene, ben enyaà bikuu binen e bole' bonen no bonyii bo Tata Jisos e ke no gee. <sup>19</sup> Bolemse, ben ekoonkè boke' bonen. Fo ben enasene yi bo le ke. <sup>20</sup> Boom, ben eyuukè bobwee bonen bo bo'icee bonen e yi fi fi ficii le. E ben gee nonen, e fi ejee Tata le. <sup>21</sup> Bocee boom, fo ben egee mwem mvu mvuntelem mvu boom bonen e esaase ke. E ben gee lo, e shem ekpwee bo. <sup>22</sup> Bonfaw ben eyuukè bonyii bo kenke ben fokuse fen e yi fi fi ficii. Fo ben elemte bo le ke seke jise dibole nu yi yene le

keegee le ye ejee bó ke. Geenεn, ben elemtè bô fitele fimwaan, fanè ε è nu Tata. <sup>23</sup> Wee dioo lemte fiεε ficii fi wvú lemte, no lemte bô fitele fiew ficii le wen lemte ε è nu Tata le ε è yaa nu wee le ke. <sup>24</sup> Ben ekeè le wee nu ke ekeηke fiεε fi bó nu ε seyse ε geeε fi è nu mmawce we ε è nu ê Tata. ε nu Tata Klistu wvù ben lemte wvú le. <sup>25</sup> Geenεn, fô bonyii bô gee kebefε le nu ε Nyo' nu ke elaw bó yî kebefε kè bó gee le. Ben ekeè le ke Nyo' ké no duηci kejeεy jεεy ê bonyii ke.

## 4

<sup>1</sup> Ben bô keηke bonfaw, ben egeè mwεεm bô bó ε è nu mvu leη bô mvù jee, ekumyî le ben keηke ten Cee Ekole fowe.

### *Ntefe wvu fokemεse*

<sup>2</sup> Ben bocii ebunleè gεne fwe yaa doose ke. Ben dioo bunlee no leesè bvufee yî dvú le, nyaà key-oone ê Nyo'. <sup>3</sup> Ben ebunleè fô bese le ten le Nyo' eyene kembuη fô diεw ye le é bese efewci diεw yin yî è nu kenyile ke ekumε Klistu kè me nu yî ncaw e nje kí. <sup>4</sup> Ben ebunleè le me enlooci nfewci ε wvú yuule ntay no me ηkeηke keenfewci. <sup>5</sup> Ben dioo nu ben ε bonyii bô yaa nu ke bo mbee le no gee mwεεm bô bvufee. Seke ben ε keηke je keege fiεε, ε ben mom le fo kefew kedvu efey εcici ke. <sup>6</sup> Njeme wene sekecii enù wvù bonene, yeke diεwε ηkauw e, é ben emum ekee keetfuuse fiεε ê wee tfuu ê je yi leη e.

---

**3:24** εfe 6:8    **3:25** Jem 2:1    **4:1** Lew 25:43    **4:2** Lum 15:30;  
 εfe 6:18-19    **4:2** Fili 4:6; 1Tes 5:17    **4:3** Lum 15:30    **4:4** 1:26  
**4:5** εfe 5:16    **4:6** εfe 4:29; 1Bi 3:15

*Bongayma*

<sup>7</sup>Tikikus nu esee fiεε ficii fi ekumε me ê ben. Wvú nu waa bwee wesebeene, nu tεn fitele fisεεbeene. Bee bó lemte Tata le yî wee le mwaan ε wvú nu wee lemme wvù lemte bô fitele fiew ficii. <sup>8</sup>Me ntumte wvú fô ben e bô shiee wvu le wvú eto ege é ben ekiεε no bese nu, ebvuu eyvuwsε mvuntelem mvunen. <sup>9</sup>Me ntumte bô Onesimus wvù nu wee mvu wvu jo ben, ε wvú nu tεn waa bwee wesebeene wvù nu fitele fisεεbeene ε wvú leeme yî fiεε fi Klistu le temyi. Bó nu ke esee ê ben fiεε ficii fi kooyi fεn. <sup>10</sup>Alistakus wvù bee wvú nu fεn yew ncaw e gayte ben e. Ε Mak wvù waycee Banaban gayte tεn ben e. Ε nu wvú wvù ben nu ε κηηκε wase ntum ekumε wvú. Seke wvú ε to, ε ben fiisen wvú. <sup>11</sup>Jisos wvù bó teηε le Justus gayte tεn ben e. Ε mεy κε bonyii bo botete ban bò è nu Bojuu bò bee bó lemte yî fiεε le fimwaan yî bvunfon bvu Nyo' le. Bó fici naa me baay, gee ε fitele fiem leεtene. <sup>12</sup>Εbaflas wvù nu tεn wee mvu wvu jo ben, wvù lemte Klistu Jisos e gayte tεn ben e. Wvú dīoo bunlee sekecii no kumyi ben naa baay, leke le Nyo' ege é ben eleemè temyi diεwε bonyii bò nu ε taw wase, looci kee fiεε ficii fi Nyo' gomte le. <sup>13</sup>Me nu ε n'yεn wase bô εjise εyεm le wvú lemte fô ben e baay noo fô bonyii bo Lawdεsia bô bo 'Iliabolis e. <sup>14</sup>Luk wvù cuuke bonyii wvù nu nsaa yεm shém bô Demas gayte tεn ben e. <sup>15</sup>Ben egay boom bo bwee wesebeene le bo mbee le bo Lawdεsia le, egay tεn Nimfa bô kentaashε ke bonyii bo mbee le kè taashi

---

**4:7** Εε 6:21-22    **4:9** Flm 10-12    **4:10** Lem 19:29; 20:4; 27:2; Lem 12:12    **4:12** 1:7; Flm 23    **4:14** 2Tim 4:11; Flm 24; 2Tim 4:10    **4:15** Mwm 3:14

ê wvú yew e, enya ê me. <sup>16</sup> Ben dioo ε taη ηwa' wvun, ciinse ê kentaashε ke bonyii bo mbee le ke Lawdεsia ε bó taη tεn, mum yεn tεn le bó nu ε ciinse ηwa' wvù nu ê bó ben ε taη. <sup>17</sup> Ben egay ê Alkibus le wvú eyεn le wvú nu ε mεse lemme dì Tata nu ε nya can ye le. <sup>18</sup> Wvun ηgayma saanke me wvù Baul bô kebo kem. Ben ekumyì le me nu yî ncaw e. Nyo' ebuw ben bô kembonεn.

**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e